



Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“ broj: 35/05), člana 51. Zakona o izvršenju Budžeta Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 12/21), člana 267. Zakona o dopunskim pravima branilaca i članova njihovih porodica („Službene novine Bosansko-podrinjskog kantona Goražde“ broj: 9/13, 11/14 i 15/19) i člana 2. Pravilnika o uslovima, načinu, kriterijima i postupku za raspodjelu sredstava za rad udruženja koja se finansiraju/sufinansiraju iz budžeta i finansiranju/sufinansiranju projekata i aktivnosti udruženja boračkih populacija („Službene novine Bosansko-podrinjskog kantona Goražde“ broj: 4/20), a u skladu sa Programom utroška sredstava Ministarstva za boračka pitanja sa ekonomskog koda 614 300 - Tekući transferi neprofitnim organizacijama za 2022.godinu, Ministar za boračka pitanja Bosansko-podrinjskog kantona Goražde **r a s p i s u j e**:

## **JAVNI POZIV**

za dodjelu sredstava za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde

**I** Predmet Javnog poziva je dodjela sredstava iz Budžeta Ministarstva za boračka pitanja Bosansko-podrinjskog kantona Goražde za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde (u daljem tekstu: Kanton), u skladu sa Programom utroška sredstava sa ekonomskog koda 614 300 – „Tekući transferi neprofitnim organizacijama“ za 2022.godinu (u daljem tekstu: Program) i to:

1. Pomoć u realizaciji projekata boračkih udruženja;
2. Pomoć u organizovanju sportskih manifestacija i rekreacije invalidnih osoba pripadnika boračke i
3. Pomoć u radu fondacija.

**II** Pravo učešća po ovom Javnom pozivu imaju boračka udruženja i savezi, fondacije, sportska udruženja i klubovi u organizaciji manifestacija, memorijalnih turnira i drugih aktivnosti vezanih za boračku populaciju, sportisti pojedinci pripadnici boračke populacije u svrhu učešća na sportskim takmičenjima, vjerske zajednice i drugi subjekti koji njeguju tekovine odbrambeno oslobodilačkog rata 1992.-1995.godine i narodno oslobodilačkog rata 1941.-1945.godine, registrovani na prostoru Kantona i okolnih općina u RS-u (u daljem tekstu: Aplikanti).

**III** **Opći uslovi za učešće aplikanata po ovom Javnom pozivu su:**

- 1) Da imaju rješenje o registraciji koje je izdao nadležni sudski ili upravni federalni ili kantonalni organ i da im je prebivalište (registracija) na prostoru Kantona;
- 2) Da imaju uvjerenje od poslovne banke da je korisnik sredstava solventan i da mu račun nije bio u blokadi;
- 3) Da se prijedlog projekta ili zahtjev kandiduje u skladu sa Programom.

**Prioritetne aktivnosti i mjere koje imaju prednost za odobravanje sredstava su:**

- a) Poboljšanje statusa pripadnika boračkih populacija;
- b) Unaprijeđenje rada boračkih udruženja;
- c) Socijalna inkluzija i razvoj sporta ratnih vojnih invalida na prostoru Kantona;
- d) Projektima koji uključuju volonterski rad građana u projektnim aktivnostima će biti pružena dodatna prednost;
- e) Projekti od općeg interesa koji se odnose na izradu i ugradnju spomen obilježja i njihovu zaštitu;
- f) Projekti kulturno-istorijskog i edukativnog značaja.

**IV** Aplikanti apliciraju na sredstva u vidu prijedloga projekta i u vidu zahtjeva za sredstvima. Aplikant može odabrati najpovoljniji način apliciranja na sredstva te može dostaviti više prijedloga projekata ili zahtjeva, ali maksimalno jedan prijedlog za finansiranje aktivnosti u okviru jednog specifičnog cilja.

Prijedlozi projekata i zahtjevi za sredstvima dostavljaju se u formi koja je propisana od strane Ministarstva, sa dokazima o ispunjavanju općih i posebnih kriterija te propisanom dokumentacijom.

Prilikom apliciranja u vidu projekta, isti obavezno sadrži: naziv projekta, opis problema/potreba, kratak opis projekta, ciljeve, ciljne grupe, planirane aktivnosti, očekivani rezultati, trajanje projekta, potreban broj osoba za realizaciju projekta i detaljno planiran budžet (za provođenje planiranih aktivnosti).

Prilikom apliciranja u vidu zahtjeva za odobravanje sredstava, aplikant je dužan navesti slijedeće informacije: razlog zbog kojeg se zahtjevom traži odobravanje sredstava, pregled planiranih aktivnosti, ukupni iznos sredstava neophodnih za provođenje planiranih aktivnosti sa detaljno planiranim budžetom, očekivani rezultat koji se planira ostvariti, traženi iznos sredstava od Ministarstva i iznos sredstava koji bi se obezbjedio iz drugih izvora.

### Dokumentacija koju je potrebno dostaviti:

1. Popunjen obrazac zahtjeva za finansiranje/sufinansiranje projekta ili aktivnosti,
2. Izvod iz registra udruženja (na pisani zahtjev izdaje Min. za pravosuđe, upravu i radne odnose);
3. Uvjerenje o poreskoj registraciji - identifikacioni broj;
4. Izvještaj o urednom finansijskom poslovanju (bilans stanja i bilans uspjeha za prethodnu godinu ovjeren od strane nadležne ustanove AFIP);
5. Dokaz o aktivnom transakcijskom računu otvorenom kod poslovne banke i
6. Drugu dokumentaciju relevantnu za evaluaciju projekta/zahtjeva.

Za Aplikante, kojim je tokom 2022. godine odobren zahtjev ili program/projekat za sufinansiranje/finansiranje po Javnom pozivu za obilježavanje značajnih događaja, datuma i ličnosti, prilikom dostavljanja prijedloga zahtjeva ili programa/projekata nisu obavezni dostavljati dokaze za tačke 2., 3. i 5. iz prethodnog stava, ukoliko nisu nastale promjene u vezi sa tim podacima.

Zahtjevi za finansiranje/sufinansiranje projekata i aktivnosti aplikantata kojima su odobrena i doznačena sredstva u prethodnoj budžetskoj godini, a za ista nisu dostavili adekvatan izvještaj o utrošku sredstava sa odgovarajućom dokumentacijom, smatrat će se nepotpunim i kao takvi odbaciti.

Izuzetno, zahtjev za finansiranje/sufinansiranje projekata i aktivnosti će se smatrati potpunim za aplikante koji nisu podnijeli izvještaj o utrošku odobrenih sredstava za projekte odobrene u prethodnoj budžetskoj godini, ako su dobili saglasnost za prenamjenu i produženje roka utroška odobrenih sredstava ili im odobrena sredstva nisu doznačena u ukupnom iznosu. U ovom slučaju, aplikant će dostaviti odgovarajuću ovjerenu izjavu, dok će izvještaj sa dokumentacijom podnijeti najkasnije u roku od 30 dana od potpune isplate odobrenog iznosa.

V Postupak odobravanja sredstava po ovom Javnom pozivu sprovoditi će se u skladu sa odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade BPK Goražde, od strane Ministra za boračka pitanja. Isti se mogu preuzeti na web stranici Ministarstva.

Nakon okončanja postupka i odobravanja sredstava od strane Vlade Bosansko-podrinjskog kantona Goražde, sa svim aplikantima kojima su odobrena sredstva će se zaključiti pojedinačni ugovori kojim će se definisati međusobna prava i obaveze u vezi dodjele sredstava, te praćenju namjenskog utroška odobrenih sredstava.

VI Javni poziv sa obrascem prijave za finansiranje/sufinansiranje projekata može se preuzeti u prostorijama Ministarstva za boračka pitanja i na službenoj internet stranici ([www.mb.bpkg.gov.ba](http://www.mb.bpkg.gov.ba)).

Prijave sa potrebnom dokumentacijom dostaviti u zatvorenoj koverti preporučenom poštom na adresu Ministarstva ili lično u pisarnicu Bosansko-podrinjskog kantona Goražde tokom radnih dana u periodu od 08<sup>00</sup>-16<sup>00</sup> sati. Vanjska strana koverta mora sadržavati puno ime i adresu aplikanta, puni naziv projekta sa naznakom „**NE OTVARAJ, PRIJAVA NA JAVNI POZIV**“.

VII Rok za podnošenje prijave po ovom Javnom pozivu je:

- za utrošak sredstava iz poglavlja I, tačke 1. i 3. - 20 dana od dana objavljivanja;
- za utrošak sredstava iz poglavlja I, tačka 2. - kontinuirano tokom 2022.godine, odnosno do utroška raspoloživih sredstava za ove namjene.

Nepotpune i neblagovremene prijave neće se uzimati u razmatranje.

U opravdanim slučajevima, uz saglasnost Ministra u razmatranje mogu ući i zahtjevi koji se predaju van roka definisanog ovim Javnim pozivom.

Rezultati Javnog poziva objaviće se na oglasnoj ploči i internet stranici Bosansko-podrinjskog kantona Goražde.

Broj: 11-11-483/22  
Goražde, 19.04.2022. godine



# PRIJAVA

**Zahtjev za dodjelu sredstava** za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde a koji će se finansirati iz Budžeta Ministarstva za boračka pitanja u 20\_\_\_\_.godini.

## 1. Podaci o podnosiocu prijave

.....  
(Naziv podnosioca prijave)

.....  
(sjedište)

.....  
(ulica i broj)

.....  
(kanton)

**Identifikacioni (ID) broj:**

Kontakt osoba ..... tel. .... mob. ....

Ovlaštena osoba .....tel. .... mob. ....

## 2. Podaci o programu/projektu

.....  
(Naziv programa/projekta)

Vrijeme realizacije od \_\_\_/\_\_\_/\_\_\_/ do \_\_\_/\_\_\_/\_\_\_/ Ukupna vrijednost projekta: ..... KM

Učešće aplikanta vlastitim sredstvima ili sredstvima drugih finansijera ..... KM

Očekivani iznos sredstava od Ministarstva za boračka pitanja BPK Goražde ..... KM

## 3. Finansijska identifikaciona forma

Naziv banke: .....

Transakcijski račun:

Mjesto / Grad .....

Adresa .....

## 4. Podaci o priloženim dokumentima (sa X označiti dostavljene dokumente)

Popunjen obrazac zahtjeva za finansiranje/sufinansiranje projekta ili aktivnosti

Izvod iz Registra udruženja

Uvjerenje o poreznoj registraciji (Identifikacioni broj)

Izvještaj o urednom finansijskom poslovanju (bilans stanja i bilans uspjeha za prethodnu godinu ovjeren od strane nadležne ustanove AFIP)

Dokaz o aktivnom transakcijskom računu otvorenom kod poslovne banke

Druga dokumentacija relevantna za evoluciju projekta/zahtjeva.

Datum: \_\_. \_\_. 20\_\_ . godine

M.P.

.....  
Ovlaštena osoba/podnosilac zahtjeva  
(puno ime i prezime i čitak potpis)

## IZJAVA

1. Kao odgovorno lice podnosioca prijave, pod krivičnom i materijalnom odgovornošću, potvrđujem da su svi podaci navedeni u prijavi na ovaj Javni poziv istiniti i tačni.
2. Navedena vlastita sredstva su u potpunosti osigurana, a sredstva iz ostalih izvora su u fazi realizacije.
3. Dodijeljena sredstva će se koristiti isključivo za realizaciju odobrenog programa/projekta, a u skladu sa finansijskim planom dostavljenim u dokumentaciji.
4. U slučajevima odustajanja od realizacije odobrenog programa/projekta ili nenamjenskog utroška sredstava, izvršit ćemo povrat odobrenih sredstava.
5. Prihvatamo da kontrolu namjenskog utroška sredstava izvrši komisija Ministarstva za boračka pitanja Bosansko-podrinjskog kantona Goražde na osnovu dostavljenog izvještaja, a u slučaju potrebe neposrednim uvidom u dokumenta u Vašim prostorijama.
6. Izvještaj o realizaciji programa/projekta dostavit ćemo u sljedećim rokovima:
  - najkasnije do 31.12.20\_\_ .godine
  - 30 dana od dana potpune isplate odobrenog *iznosa* (*ako odobrena sredstva nisu doznačena u ukupnom iznosu u tekućoj budžetskoj godini*)
7. Dostavljen izvještaj će sadržavati sljedeća dokumenta:
  - a) Opis realiziranog programa/projekta;
  - b) Pregled ukupno ostvarenih prihoda za realizaciju projekta s iznosima učešća svih finansijera uključujući i vlastito učešće, kao i ostalo prihode, ako ih ima;
  - c) Pregled ukupnih stvarnih troškova u vezi sa realizacijom programa/projekata razvrstanih po srodnim grupama;
  - d) Kopije svih faktura sa fiskalnim računima (*za navedene troškove*) i ostala dokumenata (*ugovori/sporazumi*) na osnovu kojih su izvršena plaćanja;
  - e) Dokaze o izvršenoj uplati za sve navedene troškove;
  - f) Ostala dokumentacija koja dokazuje navode izvještaja.

Datum: \_\_. \_\_. 20 \_\_. godine

M.P.

\_\_\_\_\_  
Ovlaštena osoba/podnosilac zahtjeva  
(puno ime i prezime i čitak potpis)